

Takurda-o Yohana aco

Rem-se rɔ n-me à:

M-zantɛ 1:1-4

M-cɔcar un o-comb ne 1:5—2:29

Yakar-ye Shir un yakar-ye ko-Gwomo-wu un
ya-ut-kot ne 3:1-24

O-nip un ur-ba'as ne 4:1-6

Yo was-m he m-nom à 4:7-21

Sher-mo re ur-ho à 5:1-21

Gom-de un hoog

¹ Tɛ genbutɛ nɔ ma-to un ká wu rokne cin ur-takan à, ká wu tɛ hoge ma-to un wu komo tɛ hyenes à. Tɛ hyeneste wu un yish tɛ komo tɛ ci'is wu un kom-ut tɛ. Wu gom-de un hoog de.* ² Ká wu rɔ un 'ya un hoog à rwuunte cas, tɛ hyeneste kor-mo un to, komo tɛ rɔ ya-us-tor un yo tɛ hyane à. M-moka tɛ nɔ m-rure ka ma-to un hoog-mo un ba m-ta mo, mo ro'e be-de Shir Tato na à, m-moka mo be-ur na.† ³ Yo tɛ hoge, un yo tɛ hyane ne à, yo tɛ nɔ m-rure, remen nɔ ma'aste kang-o gaan un tɛ ne. Bɔ tɛ kang-o gaan o-Tato ne un Wà un wu ne Yeso **Kiristi** à.‡ ⁴ Tɛ nɔ m-gene un kà rem-se remen tɛ shooste zak-o tɛ.

Shir cecar-mo

⁵ Tom-o ká o tɛ o hogne be-ur Yeso à komo o tɛ ruru nɔ, Shir cecar-mo, comb-o rɔ kon be-de un

* **Bɔr-o gaan:1** 1:1 Hyen komo: Yoha 1:1. † **Bɔr-o gaan:2** 1:2 Hyen komo: Yoha 1:14. ‡ **Bɔr-o gaan:3** 1:3 Wu Shir daagne à.

wu á kɔ hiin. ⁶ Urege a m-zee a ɯr-she'et kang-o gaan ɯn Shir ne, amba a ɯr-she'et n-me o-comb, bo-to atte, komo a ɯn she'et-de o-nip á. ⁷ Amba urege a ɯr-she'et be-de m-cecar bo Shir ro à, a kang-o gaan ɯn or na ne. Komo hyó-m Wà ɯn wu Yeso sokste **ba'as-ut** na kap. ⁸ Urege a zeege a rott **ur-ba'as** á, raks-to atte hi ɯn na, komo nip-o ro kon ɯn hur-ut na á. ⁹ Amba urege a rworog **ba'as-ut** na be-de Shir, wu kashi-wu, wan-shoos ut-ma wu, wua ho'osɯ **ba'as-ut** na, komo wu soks **ba'as-ut** na, wu so'osɯ na kɔ se ke rem-ɯs yo-se se kap. ¹⁰ Urege a zeege a nom **ur-ba'as** á, a muute Shir wa-ut-bo, komo ma-to ɯn wu ro kon ɯn hur-ut na á.

Bɔr-ɯs yoor

Ma-to ɯn nap ɯn Shir

¹ Yakar re, ye me m-was à, me no m-gende ɯn to ka, taase no nom **ur-ba'as** á. Amba urege ne wu ken nomog **ur-ba'as** be ɯn no, a ro ɯn Wa-ut-Orom ne be-de Shir o-Tato, wu he kon ɯn Shir rem na à, Yeso **Kiristi**, wu rott **ur-ba'as** á, kɔ hiin. ² Wu wu ya'ase hyó-mo ɯn wu ɯr-sake a rurut na be-to ɯn **ba'as-ut** na. Yanze ne to ma na ɯn hon-de ɯn to á, har ɯn to ɯn hono o-dak ne kap.

³ Kaane o a he m-nap a nak Shir, urege a dorute **karamsa-o** ɯn wu. ⁴ Kowan wu zee wu nak Shir, amba wu dore **karamsa-o** ɯn wu á, ko-ya-ut-bo-wu. Nip-o ro kon ɯn hur-de ɯn ɯn wu á. ⁵ Amba kap wu nome o-dorotte ɯn Ma-to Shir à, con-to Shir shiig o-nip ɯn hur-de ɯn wu. Kaane o a m-nap ɯnze a kang-o gaan ɯn Shir ne. ⁶ Kap bon

wu zee wu ro kang-o gaan un Shir ne à, se wu nomog bo Yeso nome à.

Karamsa-o pu-o

⁷ Nay re ne, ba **karamsa**-o pu-o o me no m-gene á amba ká ut-o o, ká o no nape cin ur-takan à. Kà **karamsa**-o ut-o o ro tom-o no hoge à.*

⁸ Amba man hoks o m-zee **karamsa**-o pu-o, a un hyan un nip-o un o be-de un wu un be-ur no ne. Nqa hyen comb-o ro m-dosse, cecar-mo o-nip ro m-dakan.

⁹ Kowan wu zee wu ro be-de m-cecar à, komo wu ro m-yage un or un wu, har m-moka à n-me o-comb wu ro. ¹⁰ Wu ro m-was un or un wu à, n-me m-cecar wu ro. Wu ro m-nom rii-yo he kaps un wu ken á. ¹¹ Amba wan-yage-ut or un wu ne, n-me o-comb o wu ro. Tomso ne n-me o-comb o wu ro m-neke. Wu nap be-de wu he m-hwo un na-o un wu á, remen comb-o pooste yish-ye un wu.

¹² No yakar re, ye me m-was à, me un genbu no remen Shir ho'osutu no **ba'as**-ut no rem Yeso **Kiristi**.

¹³ Tat-ne un in-ne ne, me un genbe no remen no nepste wu, wu ro cin ba a ro nomog hono o-dak à.

No beeb-ye, me un genbu no to remen no kapste **ko-Gwomo-wu un ya-ut-kot**.

¹⁴ Yakar re, um genbutu no, remen no nepste o-Tato.

Tat-ne, um genbutu no remen no nepste ká wu ro cin ur-takan à.

* **Bɔr-ʉs yoor:7** 2:7 Hyen komo: Yoha 13:34.

Beeb-ye, ʉm genbuʉe nɔ remen nɔ m-'wɔns ne,
 komo ma-tɔ Shir rɔ kon n-me ʉn nɔ,
 har nɔ mo'ogse ká yo-yo yo.

Taase nɔ cun kà hono o-dak o

¹⁵ Taase nɔ cun hono o-dak, kɔ komo rem-se rɔ n-me ʉn o á. ʉrege wu ken wu conog hono o-dak, con-tɔ o-Tato rɔ kon o ká be-de ʉn wu á ¹⁶ Remen kap rem-se rɔ ʉn hono o-dak à, ʉntun hoob-o ʉn hoge ʉn rerem-mo ʉn rii-yo wur-o cone à, ʉn gop-de ʉn hyan-o ʉn yish ne, komo ʉn gwon-mo ʉn rii-yo a kume ne à. Tɔ kà ba be-de o-Tato tɔ rwuune á, amba be-de ʉn hono o-dak tɔ rwuune. ¹⁷ Hono o-dak ʉn gop-de ʉn o ne a tees, amba net-wu dore con-mo Shir à wu kum hoog-o ba m-ta.

Yan-yage-ut Yeso Kiristi

¹⁸ Yakar re, kom-de hono o-dak de ka. Bɔ nɔ hoge ʉnze wan-Ryaab-ʉs Yeso **Kiristi** roon da-o ʉr-kom à, kɔ m-moka yan-yage-ut Yeso **Kiristi** rusunte ʉt-moor ne. Remen kaane a nepste ʉnze a n-me ʉn ka da-o. ¹⁹ Ká hun-ne ye ʉn rwuun be-ur na, myet ʉn kaane ne ye kang-o gaan ʉn na ne á. Ye rotte kang-o gaan ʉn na ne, ye roa she'et be-ur gaan ʉn na ne. Amba koos-mo ʉn ye, mo a nepste ye ma na ye á, kɔ n-ga.

²⁰ Amba nɔ, Yeso **Kiristi** ya'ag nɔ **Kukt-o Shir**. Nɔ komo, kap, nɔ nepste o-nip. ²¹ Me m-gende nɔ, yanze me ʉnze nɔ nap o-nip á, se de remen nɔ nepste o. Amba nɔ nepste yatt bo-tɔ he m-rwuun be-de o-nip á. ²² ¿Wan wu rɔ ko-ya-ut-bo? Kap bon wu rɔ m-zee Yeso wu rɔ **Kiristi** á. Gon ka net-wu rɔ wan-Ryaab-ʉs Yeso **Kiristi**,

wu yagute Shir, o-Tato un Wa ne Yeso. ²³ Yatt-wu he nom un she-mo un Wa, wu kumut o-Tato a, amba wu gokse Wa a, wu ro ka o-Tato ne. ²⁴ No ne, rii-yo no hoge cin n-ga ne a, se no ess yo un hur-ut no. Urege ne rii-yo no hoge a, no esste yo un hur-ut no, noa ma'as kang-o gaan o-Tato ne un Wa un wu ne, Yeso. ²⁵ Yeso sworog o-nu, wua 'ye na hoog-o un ba m-ta.

²⁶ Me m-gende no um nekt to-ut no remen go un ka ye ro no un con m-egusse a. ²⁷ Amba no, Yeso ya'aste no **Kukt-o Shir**. M-moka ka Kukt-o ro be un no. No un dish-o wu ken wu yoosutu no komo a. Remen yan a, Kukt-o ro no m-yoose un ko yo ke rii-yo. Yoos-de un o-Kukt ne bo-to a, nip-o. Nom no o-dorotte un ka yoos-de ne, she'et no be-ur Yeso **Kiristi**.

²⁸ Yakar re, sengu no n-me un **Kiristi**, remen da-o wu muune a ho'oste ur-hur, bo a hyen m'e un her-o un wu ho-de wu haan a. ²⁹ Urege no nak **Kiristi**, ko-yan-men-ut pus-to wu, no nak o ka unze bon wu ro un men-ut pus-to ne a, wa-wu Shir wu.

Bɔr-ɔs tet

Yakar-ye Shir un yakar-ye un ko-Gwomo-wu un ya-ut-kot ne

¹ Gwot no go un was-mo Shir Tato na kutu na a, har wu zee na yakar-ye un wu a ro. Ka boose a ro. Hun-ne ye un hono o-dak ye nap na a, remen ye nap Tato na Shir a.* ² Or re ne, ye me m-was a, m-moka yakar-ye Shir a ro. Amba har m-moka

* **Bɔr-ɔs tet:1** 3:1 Hyen komo: Yoha 1:12.

a kutu na yo a he m-warag á. A nepste da-de wu muune, a warag untun Yeso **Kiristi**, remen a hyen wu bo wu ro à. ³ Kap wu hwo ur-hur wu waragte untun wu à, se wu waragte ba m-kukop 'mo ur-hur bo Yeso ro à.

⁴ Net-wu senge she'et-de **ur-ba'as** à, wu paks o ka **karamsa**-o Shir. Remen nom **ur-ba'as** jet un **karamsa**-o Shir o. ⁵ No nepste Yeso **Kiristi**, wu un haan remen wu dek **ba'as**-ut na. Wu ne wu rott **ur-ba'as** á.† ⁶ Kowan wu she'ete kang-o gaan un wu ne, wua senge nom **ur-ba'as** á. Amba kowan wu senge nom **ur-ba'as**, wu nap wu á.

⁷ Yakar re, taase wu ken wu raks no, wu ro un nom un kashi un rii à, kashi-wu, bo **Kiristi** ro o-kashi à. ⁸ Bon net-wu ro m-ma'as un nom ut-**ba'as** à, wu ma **ko-Gwomo-wu un ya-ut-kot** wu, remen cin n-ga ne **ko-Gwomo-wu un ya-ut-kot** wa-ut-**ba'as**-wu. Amba Yeso **Wà-wu Shir** haante remen wu saburte senge-mo un **ko-Gwomo-wu un ya-ut-kot**. ⁹ Kap bon net-wu ro mat-de Shir à, wu m-senge un nom **ur-ba'as** á, remen go-ye Shir ro kon un hur-de un wu. Tomso ne wua hoks m-senge m-nom **ur-ba'as** á, remen mat-de Shir de wu ro. ¹⁰ Kaane o a he m-nap un yakar-ye Shir un yakar-ye un **ko-Gwomo-wu un ya-ut-kot** ne. Kowan wu ro m-nom un kashi rii á, komo wu ro un was un or un wu á, wu ma Shir wu á.

Was un or ru ne

¹¹ Ma-to no hoge cin ur-takan à, to ka, a was no or na ne.‡ ¹² Taase a warag untun **Keen. Keen**

† **Bor-us tet:5** 3:5 Hyen komo: Yoha 1:29. ‡ **Bor-us tet:11** 3:11 Hyen komo: Yoha 13:34.

wu ro'e wà-wu un **ko-Gwomo-wu un ya-ut-kot** à, wu ho'e heno un wu à. ¿Remen yan o ne wu hootè heno un wu? Remen rem-se wu ro m-nom à, yo-se se, se ma heno un wu ne, rem-us so-se se. § ¹³ Yan-dor Yeso, taase no bup o-nu urege hun-ne yagutu no un hono o-dak. ¹⁴ Na ne, a nepste a possute m-mar, a wooste be-de un hoog remen a m-was un or na ne ne. Net-wu ro m-was un or un wu á, wu ro'osuturu o ka un she'et-de m-mar.*

¹⁵ Kowan wu ron yage-ut or un wu, wan-ho de un net-wu ka. No nepste ne wan-ho de un net ro kon wu he m-she'et un hoog ne o Shir o un ba m-ta á. ¹⁶ Rii-yo hante a nept m-was à, remen Yeso **Kiristi** ya'aste hoog-o un wu rem na. Na ne, depute a ya'as hi un na rem or na ne. ¹⁷ Net-wu hyane wu ro un rii-yo m-re ne à, wu hyanuru or ru wu wu ka wu rott rii á, wu ne, wu 'ya wu á, ¿was-mo Shir ro un hur-de un wu o ka? ¹⁸ Yakar re, no nom was-mo o-nu temb á, amba yage a hyenet un rem-se no m-nom à o-nip ne.

A she'et no sasa be-de Shir

¹⁹ Kaane o a nape unze na ya-o-nip-ye, a ho'os hur un na sak da-o a m-es un her-o Shir à. ²⁰ Ko hur-ur na kaps na, a nep unze Shir aragte hur-ur na, komo wu neps koyan. ²¹ Or re ne, ye me m-was à, urege hur-ut na hees na á, a she'et be-to Shir sasa. ²² Aa kum kap rii-yo a kone be-de Shir à, remen a nomutu wu o-dorotte, tomso ne a ro m-nom un rii-yo wu cone à. ²³ Yo Shir zee a

§ **Bor-us tet:12** 3:12 Hyen komo: Taka 4:8.
3:14 Hyen komo: Yoha 5:24.

* **Bor-us tet:14**

nɔm à yo ka: A shɛr nɔ ɯn jin-ɯr Wà ɯn wɯ Yɛso **Kiristi**, tomso nɛ a was ɯn ɔr na nɛ nɛ, bɔ Yɛso **Kiristi** zɛɛ na à.† ²⁴ Yɛ rɔ o-dorɔtɛ ɯn **karamsa-**o Shir à yɛ rɔ n-mɛ ɯn Shir, Shir rɔ komo n-mɛ ɯn yɛ. Kaanɛ a nape ɯnze wɯ rɔ n-mɛ ɯn na: A ɯn nap tɔ kà remen Kukt-o wɯ ya'u na à.

Bɔr-ɯs nass

Kukt-o Shir ɯn ɔ ma ko-wa-ɯt-yagɛ nɛ

¹ ɔr re nɛ, yɛ mɛ m-was à, yan-ko'ot ɯn ma-tɔ ɯt-bɔ rusuntɛ hɔno o-dak kɔ kenɛ ɯnze yan-rwɔr ɯn Ma-tɔ Shir yɛ ka. Remen kaanɛ, nɔ gɔks kɔwan wɯ zee wɯ rɔ ɯn **Kukt-o Shir** nɛ á. Sɛ nɔ me'estɛ, nɔ gɯt, kɔ **Kukt-o Shir** ɔ nip ɔ. ² Cow-yo nɔ hettɛ nap ɯn ɯn **Kukt-o Shir** à, yo ka. Kap nɛt-wɯ deke Yɛso **Kiristi**, wɯ heesuntɛ ɯn wur-o ɯn nɛt à, ka nɛt-wɯ rɔ ɯn **Kukt-o Shir** nɛ. ³ Amba ka nɛt-wɯ rwɔrɛ kaanɛ ɯn Yɛso á, tɔ ka kukt-o wɯ rotɛ à ɔ Shir ɔ á. Ka kukt-o rɔ ɯn wan-Ryaab-ɯs Yɛso nɛ, ɔ nɔ hogɛ ɔ rɔɔn à, kɔ m-mɔka ma ɔ woosuntɛ ɯn hɔno o-dak.

⁴ Yakar re, yakar-yɛ Shir yɛ nɔ rɔ. Tomso nɛ nɔ kapstɛ ka ya-ɯt-bɔ-yɛ remen **Kukt-o Shir** ɔ rɔ be-ɯr nɔ à, ɔ jiištɛ ɔ ɯn hɔno o-dak m-'wɔns.

⁵ Ka ya-ɯt-bɔ-yɛ, ya ɯn m-was ɯn ka dak-o yɛ, remen kaanɛ kap yo yɛ rwɔrɛ à, yo ɯn ka dak-o yo, hun-nɛ yɛ ɯn ka dak-o rɔ yɛ m-ke'e ɯt-tɔ.

⁶ Na nɛ, hun-nɛ yɛ Shir-yɛ. Wɯ nape Shir à, wɯ rɔ ɯn raks ɯt-tɔ be ɯn na. Amba wɯ nape Shir á, nɛt-wɯ Shir wɯ á, har wɯ rakstɛ ɯt-tɔ be ɯn na

† **Bɔr-ɯs tet:23** 3:23 Hyen komo: Yoha 13:34; 15:12,17.

á. Cōw-yo a nepte ma-tō o-nip tō rwuṽne be-de Shir à, ṽn tō ṽt-bō ne à, yo ka.

Shir waste ṽn na ne, a was ṽn or na ne

⁷ Or re ne ye me m-was à, a was nō or na ne, remen m-was mō ṽn rwuṽn be-de Shir. Wu rō m-was ṽn or ṽn wu à, wu rō ṽn hoog-m pu-mō ne, komo mat-de Shir de, tomso ne wu nak Shir. ⁸ Shir was-mō, komo kōwan wu yage was ṽn or ṽn wu à, wu nap Shir á. ⁹ Cōw-yo Shir kututu na m-was à, yo ka, Shir tomonte Wà ṽn wu wan-gaan cōt ṽn hōno o-dak, remen wu a kumut hoog-o ba m-ta. ¹⁰ Was-mō o-nip mō rō was-mō a kute Shir á, amba was-mō Shir kutu na à. Shir tomonte Wà ṽn wu remen wu ya'aste hyó-mō ṽn wu ṽr-sake a rurut na be-tō ṽn **ba'as**-ṽt na. ¹¹ Or re ne, ye me m-was à, cin de nomte Shir waste ṽn na ne deen à, ai, depete, a was nō or na ne.

¹² Yatt-wu hyane Shir á. Amba urege a m-was ṽn or na ne, Shir a she'et kang-o gaan be-ṽr na, komo was-mō ṽn wu mō o-nip a ma'as ṽn hur-ṽr na.*

¹³ Shir ya'aste Kukt-o ṽn wu, ṽn ka cōw-yo a nepte a kang-o gaan ṽn wu ne, bō wu rō kang-o gaan ṽn na ne à. ¹⁴ Shir tomonte Wà ṽn wu, **Wan-Gwu** be-de ṽn hun-ne ṽn hōno o-dak. Te hyanag Wà ṽn wu m-mōka komo te ṽn kō'ote ṽn ye ken ma-tō ṽn wu. ¹⁵ Kōwan wu gōkse Yeso **Wà-wu Shir** wu, Shir a ma'as kang-o gaan ṽn wu ne hō-ṽr bi. ¹⁶ A nak, tomso ne a shereg o-nip ṽn was-mō Shir nōme na à. Shir was-mō urege a

* **Bqr-qs nass:12** 4:12 Hyen komo: Yoha 1:18.

sengute m-was un or na ne, a ma'as kang-o gaan un hur-ut na un Shir ne, komo Shir a ma'as kang-o gaan be-ur na.

¹⁷ Urege a waste un or na ne o-nip, komo a nom bo **Kiristi** nome un ka dak-o à, a rangse hi un na un gyer-o un ho-de un piish ut-ma á.

¹⁸ Gyer-o ro kon be-de m-was á. Was-mo o-nip ro un dos o-gyer, remen baks mo un swo ur-koob ro un hante o-gyer. Wan-hoge o-gyeru ne, wu rott m-was deen á.

¹⁹ A m-was remen Shir ye taknu na m-was.

²⁰ Amba kowan wu zee wu ro un m-was un Shir, amba wu ro un yage-ut or un wu, ka net-wu wa-ut-bo-wu. Remen net-wu ro m-was un or un wu á, ¿re o un ya wu he m-was un Shir ne, ye wu take m-hyan? ²¹ **Karamsa**-o Shir ya'asu na à o ro, “Was no un Shir ne komo no was or no ne.”

Bɔr-ʉs taan

Re ur-ho un hono o-dak

¹ Urege a shereg o-nip unze Yeso wu ro **Kiristi**, na yakar-ye Shir ye ka. Kowan wu ro m-was o-Tato à, wu waste o ka un yakar-ye un wu ne. ² Yo a hette m-nap unze a m-was un yakar-ye Shir à yo kà: Be-de un was un Shir un hi un de un wu un dek un **karamsa**-o un wu ne. ³ A un kute un Shir was-m na un bu-yo o-dorotte un **karamsa**-to un wu, komo to hede na m-kwange á.*

⁴ Ko wu ke wa-wu Shir wu, a hoks re ur-ho un hono o-dak, komo sher-m na be-ur Yeso mo ro na m-'ya ur-ho. ⁵ ¿Wan wu he re ur-ho un hono

* **Bɔr-ʉs taan:3** 5:3 Hyen komo: Yoha 14:15.

o-dak á? Sɛ wu shɛrɛ unze Yɛso wu rɔ **Wà-wu Shir** à.

Bɔ Yɛso rɔ à

⁶ Yɛso **Kiristi**, wu haane m-hɔ m-hyó nɛ. Wu haan m-hɔ nɛ un hond un mɔ á, amba m-hɔ m-hyó nɛ. Komo o-Kukt nɛ, remen o-Kukt ɔ rɔ o-nip. ⁷ Nɛn tet rɔ kɔn yan-tɔr-se un tɔ. ⁸ O-Kukt, m-hɔ un m-hyó nɛ, komo myet tet mɔ un yɛ ma-tɔ un yɛ rɔ kang-o gaan.

⁹ A m-dɛk un rwɔr-mɔ un hun-nɛ, amba rwɔr-mɔ Shir aragte m'-wɔns remen rwɔr-mɔ Shir mɔ, mɔ wu rurɔ na ma-tɔ un Wà un wu à. ¹⁰ Bɔ un wu shɛrɛ be-de un **Wà-wu Shir** à, wu gokstɛ ɔ ka swɔ-se Shir un hur-de un wu. Amba bɔ un wu yagɛ gɔks swɔ-se un wu mɔsɛ un ma-tɔ un Wà un wu nɛ á, wu musstɛ Shir wa-ut-bɔ ɔ ka. Remen wu un swɔ-se Shir sɛ'e Wà un wu á. ¹¹ Rii-yo Shir kutu na be-tɔ un rwɔr-mɔ un wu à, yo ka, wu ya'ag na hoog-ɔ ba m-ta, ɔ a kumɛ be-ur Wà un wu à.† ¹² Kap wu gokstɛ Wà un wu à, wu rɔ un hoog nɛ ɔ ba m-ta. Wu gokstɛ nɛ Wà un Shir á, wu rott hoog-ɔ ba m-ta á.

Hoog-ɔ Shir ɔ ba m-ta

¹³ Mɛ un gendɛ nɔ, nɔ yɛ shɛrɛ un jin-de un **Wà-wu Shir** à, remen nɔ nept unze nɔ rɔ un hoog nɛ ɔ ba m-ta. ¹⁴ A nepstɛ Shir a hogɛ kɔn-ɔs na, uregɛ a kɔnɔg hond hond un cɔn-mɔ un wu nɛ. ¹⁵ Uregɛ a nepstɛ unze Shir rɔ na m-ke'e ut-tɔ da-ɔ a kɔnu wu, a nepstɛ ɔ ka o-nip wu ya'ag na yo a kɔnɛ à.

† **Bɔr-ɔs taan:11** 5:11 Hyen komo: Yoha 3:36.

¹⁶ Kowa hyane ɔr ʉn wu rɔ ʉn nɔm **ur-ba'as** de wɔ m-mar á, wu kɔnʉ wu Shir. Remen ka wa-**ur-ba'as-wu** kumut hoog. Amba **ba'as-ur** rɔ kɔn de wɔɔ m-mar à, me ze nɔ kɔn Shir remen go ʉn de á. ¹⁷ Kap nɔm ʉn rii-yo ba ʉr-bon **ba'as-de**. Amba kɔ de ke **ba'as-de** rɔ de m-mar á.

¹⁸ A nepste yakar-ye Shir rɔ m-senge m-nɔm **ur-ba'as** á, remen Yeso **Kiristi, Wà-wu Shir**, rɔ ʉn 'er-de ʉn ye, **ko-Gwomo-wu ʉn ya-ʉt-kot** a hoks ye m-ci á.

¹⁹ A nepse ʉnze na yakar-ye Shir ye, komo myet-mɔ ʉn hono o-dak, **ko-Gwomo-wu ʉn ya-ʉt-kot** rɔ ɔ ʉt-gwomo.

²⁰ A nepse ʉnze **Wà-wu Shir** haante, komo wu ya'ag na ʉs-nap a nept Shir-ɔ o-nip. M-moka a n-me ʉn ká wa-o-nip-wu remen a she'ette ʉn gam-ɔ ʉr-hi ʉn Wà ʉn wu ne, Yeso **Kiristi**. Wu rɔ Shir-ɔ ba m-kukop ɔ o-nip, komo wu rɔ Shir-ɔ o-nip ʉn hoog-ɔ ba m-ta ne.

²¹ Yakar re, som nɔ be-de ʉn gir-mɔ ʉt-bo.

ut-Hun New Testament

Hun-Saare: ut-Hun New Testament New Testament

copyright © 2017 Wycliffe Bible Translators, Inc.

Language: Hun-Saare

Contributor: WBT Central Zone

© 2017 Wycliffe Bible Translators, Inc. in cooperation with the Ut-Hun Bible Translation Project All rights reserved. The New Testament in ut-Hun (Eastern Dukawa)

All rights reserved.

2020-11-17

PDF generated using Haiola and XeLaTeX on 21 Feb 2024 from source files dated 29 Jan 2022

4b40cd80-7cb8-5d3d-8563-557f030f99d7